

四庫全書

史部

欽定四庫全書

歷代帝王宅京記卷七

崑山顧炎武撰

關中五

後漢

光武帝建武十九年修西京宮室

趙

晉書載記曰劉曜都長安起光世殿於前紫光殿於後

金少曰凡合言
卷七
繕宗廟社稷南北郊

立太學于長樂宮東小學于未央宮西曜命起鄴明觀
立西宮建凌霄臺于瀉池又將于霸陵西南營壽陵侍
中喬豫和苞諫止之省鄴水園以與貧民

後趙

晉書載記曰石季龍發雍洛秦并州十六萬人城長安
未央宮

秦

晉書載記曰苻健僭即皇帝位于太極前殿

置來賓館于平翔門以懷遠人起靈臺于杜門

苻堅起明堂繕南北郊

自永嘉之後庠序無間堅頗留心儒學王猛整齊風俗
政理稱舉學校漸興關隴清晏百姓豐樂自長安至于
諸州皆夾路樹槐柳二十里一亭四十里一驛旅行者
取給于途工商貿販于道百姓歌之曰長安大街夾樹
楊槐下走朱輪上有鸞棲英彥雲集誨我萌黎

堅置聽訟觀于未央之南

後秦

晉書載記曰姚興時起浮圖于永貴里立波若臺于中宮沙門坐禪者恒有千數

後魏

周書薛澄傳曰大統四年宣光清徽殿成澄為之頌

後周

周書明帝紀曰二年冬十二月癸亥太廟成

武成二年春三月辛酉重陽閣成

武帝本紀曰武成二年冬十二月改作路門應門

保定三年秋八月丁未改作路寢

天和元年春正月辛巳路寢成幸之令羣臣賦古詩京
邑耆老並預會焉頒賜各有差

二年春三月癸酉改武遊園為道會苑丁亥初立郊丘
壇壝制度

建德元年冬十二月庚寅幸道會苑以上善殿壯麗遂

金史卷之七
卷七
焚之

六年夏五月己丑詔曰朕欽承丕緒寢興寅畏惡衣菲
食貴昭儉約上棟下宇土階茅屋猶恐居之者逸造之
者勞詎可廣廈高堂肆其嗜欲往者家臣專任制度有
違正殿別寢事窮壯麗非直雕墻峻宇深戒前王而締
構宏敞有踰清廟不軌不物何以示後兼東夏初平民
未見德率先海內宜自朕始其路寢會義崇信含仁雲
和思齊諸殿農隙之時悉可毀撤雕琢之物並賜貧民

繕造之宜務從卑樸

宣政元年春三月戊辰于蒲州置宮廢同州及長春二

宮

帝身衣布袍寢布被無金寶之飾宮殿華綺者皆撤毀之改為土階數尺不施櫺栱其雕文刻鏤錦繡纂組一皆禁斷後宮嬪御不過十餘人

宣帝本紀曰大象二年春三月辛卯行幸同州乙未改同州宮為天成宮

帝所居宮殿帷帳皆飾以金玉珠寶光華炫燿極麗窮奢又以五色土塗所御天德殿各隨方色

隋

隋書高祖本紀曰開皇四年夏六月壬子開渠自涇達河以通漕運

十三年春二月丙子詔營仁壽宮

十八年冬十二月自京師至仁壽宮置行宮十有二所舊唐書封倫傳曰楊素將營仁壽宮引倫為土木監隋

文帝至宮所見制度奢侈大怒曰楊素為不誠矣殫百姓之力雕飾離宮為吾結怨于天下素惶恐慮將獲譴倫曰公當勿憂待皇后至必有恩詔明日果召素入對獨孤后勞之曰公知我夫妻年老無以娛心盛飾此宮豈非孝順素退問倫曰卿何以知之對曰至尊性儉故初見而怒然雅聽后言后婦人也惟麗是好后心既悅帝慮必移所以知耳素歎服曰揣摩之才非吾所及煬帝本紀曰大業五年春二月己未上御崇德殿之西

院愀然不怡謂左右曰此先帝之所居實用增感情所未安宜于此院之西別營一殿

地理志曰京兆郡城東西十八里一百一十五步南北十五里一百七十五步東面通化春明延興三門南面啟夏明德安化三門西面延平金光開遠三門北面光化一門里一百六市二

大興縣有甘泉宮

長安縣有仙都福陽太平等宮有舊長安城

藍屋縣有宜壽仙遊文山鳳凰等宮

鄠縣有甘泉宮

渭南縣有步壽宮

華陰縣有興德宮

馮翊

朝邑縣有長春宮

扶風郡 雍縣有岐陽宮

郿縣有安仁宮鳳凰宮

普潤縣有仁壽宮

唐

舊唐書

中間多參用冊府元龜及新唐書更不分別

高祖本紀曰武德元年

夏五月改隋大興殿為太極殿昭陽門為順天門秋七月庚申詔隋氏離宮游幸之所並廢之

冬十月以武功舊宅為武功宮

五年秋七月甲申作宏義宮

在宮城外西偏

初秦王居宮中丞

乾殿以秦王有定天下功特降殊禮別建此宮以居

六年夏四月乙未以故第為通義宮

冬十一月庚戌以奉義監為龍躍宮

帝龍潛時莊舍也

武宮宅

為慶善宮

七年夏五月丙戌作仁智宮于宜君縣

宜君縣置于古後祠城隋屬京

北郡時屬宜州

八年夏四月甲申作太和宮于終南山

長安城南五十里有太和谷太

和宮

冬十月營永安宮改名大明宮以備太上皇清暑

九年夏六月改東宮宏禮嘉福等門為光宣門

太宗本紀曰貞觀三年夏四月乙亥太上皇徙居宏義宮更名大安宮甲午上始御太極殿

馬周傳曰周為監察御史上疏曰臣伏見大安宮在城之西其牆宇門闕之制方之紫極尚為卑小臣伏以皇太子之宅猶處城中大安宮至尊所居更在城外雖太上皇游心道素志存清儉陛下重違慈旨愛惜人力而番夷朝見及四方觀者有不足瞻仰焉臣

願營築雉堞修起門樓務從高敞以為萬方之望則
大孝昭乎天下矣

二十年秋七月辛亥宴五品以上于飛霜殿殿在玄武
門北因地形高敞層閣三城軒欄相注又引水為潔淥
池樹白楊槐柳與陰相接以滌炎暑焉

冬十月司空房玄齡及將作大匠閻立德大營北闕制
顯道門觀並成

二十一年夏四月乙丑作翠微宮籠山為苑自初栽至

於設幄九日而罷宮正門北開謂之雲霞門視朝殿名
為翠微殿其寢殿含風殿并為皇太子構別宮去臺連
延里餘正門西開名金華門內殿名喜安殿

秋七月丙申作玉華宮于宜君縣之鳳凰谷帝手詔曰
朕聞上代無為簷茅而砌土中季華用檻玉而臺瓊燥
溫之致雖同奢儉之情則異朕承皇王之緒執造化之
綱包萬類于心端圖八紘于目際夷夏一軌區宇大同
每流鑑于前經常披懷而自勗思所以收驕閉逸卷欲

除華而頃年以來憂勞煩結暨至茲歲風疾彌時重以
景熾流金風湯溽暑遭迴幾度旭暮增勞俯仰若廊寢
興添弊唯冀廓景延涼蕩茲虛愒近因羣下之志南營
翠微本絕丹青之工纔假林泉之勢峰居隘乎蚊睫山
逕險乎焦原雖一已之可娛念百僚之有倦所以載懷
爽塏爰制玉華故遵意于樸厚本無情于壯麗尺版尺
築皆悉抑庸寸作寸功故非虛役猶恐遐邇乖聽方輿
怨咨非其樂勞人而竭力好峻宇而雕牆但以養性全

生不獨在私在已怡神祈壽良以為國為人比者屢有
征行非無疲頓前歲問罪遼左去秋巡幸靈州今復土
木頻興營繕屢動永言思此深念人勞一則以慙一則
以愧何則匈奴為患自古弊之十月防秋人血丹于水
脈千里轉戰漠骨皓于塞垣當此之疲人不堪命尚興
未央之役猶起甘泉之功今則毳幙穹廬取為郡縣天
山瀚海分為苑池去既往之長勞成將來之永逸譬迴
一年之役創此新宮想志士哲人不以為言也布告黎

庶明此意焉功既成正門謂之南風門殿覆瓦餘皆葺之以茅帝以意在清涼務從儉約匠人以為層巖峻谷元覽遐長于是疏泉抗殿包山通苑皇太子所居南風門之東正門謂之嘉禮門殿名暉和殿其官曹寺署並皆創立微事營造庶物亦擾市取供而折蕃和雇之費以巨億計矣及帝行幸勅奉御王孝積于顯道門內起

紫微殿十三間文甍重基高敞宏壯帝見之甚悅

后妃傳徐

賢妃上疏諫太宗曰北闕初建南營翠微曾未移時玉華創制蓋一年之中興此三後貞觀之政于此少衰

高帝本紀曰永徽二年秋九月癸巳詔廢玉華宮為佛
寺苑內及諸曹司舊是百姓田宅者並還本主

戊戌改名九成宮為萬年宮

三年夏四月新殿成移御之日謂羣臣曰朕性不宜熱
有司頻奏請造此殿既作之後深懼人勞今既暑熱朕
居室下尚有流汗匠人暴露實為可愍長孫無忌曰聖
心每以惜人為念臣等不勝幸甚

五年春三月戊午幸萬年宮帝謂太尉長孫無忌曰此

宮北直涼宜人且去京不遠朕離此十年屋宇無多損壞昨者不易一椽一瓦便已可安不知公等得安堵未曹司殿署周足未乃親製萬年宮銘并序七百餘字羣臣請刊石建于永光門詔從之

冬十月癸卯築京羅郭和雇京兆百姓四萬一千人版築三十日而罷起觀于九門

顯慶元年夏六月改東宮宏教殿為崇教殿

龍朔二年夏四月辛巳作蓬萊宮正門曰丹鳳正殿曰

舍元舍元殿之後曰宣政宣政左右有中書門下三省

宏文館史館

蓬萊宮即大明宮亦曰東內程大昌曰大明宮地本太極之後苑東北面射殿之地

在龍首山上太宗初于其地營永安宮以備太上皇清暑雖嘗改名大明宮而太上皇仍居太安宮不曾徙入

龍朔二年高宗患風痺惡太極宮制卑小故就修大明宮改名蓬萊宮取殿後蓬萊池以為名

三年春二月賦雍同等十五州民錢減百官一月俸助

作蓬萊宮

夏四月丙午蓬萊宮舍元殿成上始移仗居之更命故

宮曰西內

故宮謂太極宮自武德以來人主居之自是以後謂之西內 戊申始移紫

宸殿聽政

冊府元龜曰初遣司稼少卿梁孝仁監造悉於庭院
列白楊樹右驍衛大將軍契苾何力入宮中縱觀孝
仁指白楊曰此木易長不過二三年宮中可得蔭映
何力不答但誦古詩白楊多悲風蕭蕭愁殺人孝仁

遽令拔去之更植梧桐

新書契苾何力傳
同孝仁作修仁

乾封二年春二月辛丑復以萬年宮為九成宮

咸亨元年春三月丁丑改蓬萊宮為含元宮

四年秋七月庚午九成宮太子新宮成上召五品以上諸親宴太子宮極歡而罷

永淳元年春二月

新書作秋七月

作萬泉宮于藍田

武后長安元年冬十一月戊寅改含元宮為大明宮十二月改含元殿為大明殿

中宗神龍元年春二月復改大明殿為含元殿

景龍元年秋八月戊寅改玄武門為神武門樓為制勝

樓

睿宗景雲元年冬十月以大內為太極宮

玄宗開元二年秋七月甲寅作興慶宮初則天之世長

安城東隅民王純家井溢成大池數十頃號隆慶池在池

隆慶坊南程大昌曰帝王之興若符瑞理固有之然而傳會者多六典所記隆慶坊有井忽湧為小池周袤十數丈常有雲起或黃龍出其中至景雲間潛復出水其洺浸廣里人悉移居遂鴻洞為龍池然予詳而考之長安志曰龍池在躍龍門南本是平地自垂拱初載後因雨水流潦為小池後又別龍首渠水分溉之日以滋廣至景龍中彌亘數頃深至數丈常有雲龍之祥後因謂之龍池志又曰隋城外東南角有龍首堰自此堰外漕水北流至長樂坡分為二渠自永嘉坊西南流經興慶宮則是興慶之能變為龍池者寔引漕之力也至六典

所載則全沒導滙之寔乃言初時井溢已乃上在藩邸泉生合二水以成此池專以歸諸變化也

與宋王成器等列第于其北望氣者言常鬱鬱有帝王

氣中宗乃幸池上結綵為樓宴侍臣泛舟戲象以厭之

上即位宋王成器等累表請以舊宅為宮制曰朕昔與

兄弟睽居藩邸虔奉聖訓遂膺昌期嘗思鄆社之遊頗

有芒碭之燕王等固陳符瑞取則不遠擬備巡幸推而

勿居式遵故事宜依今請于是以舊宅為宮

興慶宮謂之南內在

皇城中南距京畿之東直東內之南自東內達南內有夾城複道經通化門以徑達于南內人主往來兩宮外

人皆莫仍各賜成器等宅環于宮側寧王岐王宅在安
興坊薛王宅在勝

業坊二坊相連皆在興慶宮西寧王即宋王也睿宗

諸子傳曰元宗兄弟聖歷初出閣列第于東都積善坊

五人分院同居號五王宅大足元年從幸西京賜宅于

興慶坊亦號五王宅及先天之後興慶是龍潛舊邸因

以為宮寧王憲于勝業東南角賜第申王撫岐王範于

安興坊東南賜宅薛王業于勝業坊西北角賜宅邨第

相望環于宮側又於宮西南置樓題其西曰花萼相輝之樓南

曰勤政務本之樓上或登樓聞王奏樂則召升樓同宴

或幸其所居盡歡賞賚優渥帝戒諸王曰奉先帝宮室

不敢有加時時補葺已愧于勞人矣惟興慶創制乃朝

建百辟卿士以吾舊邸因欲建修不免羣卿考室之祠
是即庶民子來之請亦所以表休徵之地新作南樓本
欲察吐俗采風謠以防壅塞是亦古闢四門達四聰之
意時有作樂宴慰不徒然也今因大哥讓朱邸以成花
萼相輝之美歷觀自古聖帝明王有所興作欲以助教
化也吾所冀者式崇敦睦漸漬薄俗令其人信厚耳

十一年冬十月丁酉作溫泉宮於驪山

雍錄曰驪山溫湯在臨潼縣南

一百五十步直驪山之西北十道志曰泉有三所其一處即皇堂石井後周宇文護所造隋文帝又修屋宇井

植松柏千餘株貞觀十八年詔闢立本營建宮
殿賜名湯泉宮是年更名溫泉宮而改作之

十九年夏六月詔修理兩都街市溝渠橋道

二十四年夏六月黃花萼樓築夾城至芙蓉園

是年十二月毀東市

東北角道政坊西北角以廣花萼樓前

二十六年春正月修望春宮

冬十月詔于西京東都往來之路作行宮千餘間

二十八年春正月于兩京路及城中苑內種果樹

鄭審有奉

使巡檢兩京路種果樹事畢入秦詩

天寶元年冬十月作長生殿名曰集靈殿以祀神

三載冬十二月癸巳置會昌縣于溫泉宮下

六載冬十月改溫泉宮為華清宮十二月壬戌發馮翊

華陰等郡民夫築會昌城置百司王公各置第舍土畝

直千金

七載冬十二月戊戌或言玄元皇帝降于朝元閣上于華清

宮中起老君殿殿之北為朝元閣制改會昌縣曰昭應朝元閣曰降聖

八載夏四月作觀風樓在華清宮

五月作振旅亭

在開遠門外

十載夏四月作交泰殿

在興慶宮

十二載冬十月和雇京城戶丁一萬三千人築興慶宮牆起樓觀

肅宗乾元元年正月改丹鳳門為明鳳門安化門為達禮門安上門為先天門京城及坊門名有安字者悉改之

代宗廣德元年九月禁城內六街種植初諸軍使以時

艱歲儉奏耕京城六街之地以供芻至是禁之

永泰二年正月勅修國子學祠堂論堂六館院及官吏

所居廳宇用錢四萬貫折曲江亭子瓦木助之八月成

種城內六街樹禁侵街築垣舍者

中朝故事云天街兩畔槐木俗號為槐街

曲江池畔多柳亦號為柳街以其成行排立也駱賓王詩楊溝連鳳闕槐路擬鴻都舊書吳湊傳云官街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之

九月庚申京兆尹黎幹以京城薪炭不給奏開漕渠自

南山谷口入京城至薦福寺東街北抵景風延喜門入

苑濶八尺深一丈渠成是日上御安福門以觀之

大歷二年秋七月魚朝恩奏以先所賜莊為章敬寺以

資章敬太后冥福

上母吳后
諡章敬

仍請以章敬為名復加興

造窮極壯麗以城中材木不足充費乃奏壞曲江亭館

華清宮觀樓及百司行廐將相沒官宅給其用費逾萬

億長安朱雀街東第五街皇城之東第三街昇道坊龍
華凡寺南有流水屈曲謂之曲江此城在秦為宜春

苑在漢為樂遊園開元疏鑿遂為勝境其南有紫雲樓
芙蓉苑其西有杏園慈恩寺江側菰蒲葱翠柳陰四合

碧波紅藻
依映可愛

德宗貞元三年作元英門及觀于大明宮北垣

四年春二月築延喜門北複道屬于永春門

三月築武德東門垣約左藏庫之北屬宮城東垣因廢

武庫以器械隸于軍容使

八年春正月新作玄武門及廡會蹴場

十三年秋八月庚午增修望仙樓廣夾城十王宅元宗諸子

傳先天之後皇子幼則居內東封年以漸成長乃于安國寺東附苑城同為大宅分院居為十王宅令中官押之于夾城中起居每日家令進膳又引詞學工書之人入教謂之侍讀十王謂慶忠棣鄂榮光儀穎永延濟蓋

舉全數其後盛義壽陳豐恒涼六王又就封入內宅二
十五年鄂光得罪忠繼大統天寶中慶棣又歿惟榮儀
十四王居院而府幕列于外坊特通名起居而已外諸
孫成長又于十宅外置百孫院每歲幸華清宮宮側亦
有十王院百孫院宮人每院四百餘人孫院三四十人
又于宮中置維城庫諸王月俸物約之而給用諸孫納
妃嫁女亦就十宅中太子不居于東宮但居于乘輿所
幸之別院太子亦分院而居婚嫁則同親王公主在于
禮院

崇仁之

十三年春三月戊子造會慶亭于麟德殿前

夏六月辛巳引龍首渠水自通化門入至太清宮前

秋七月壬辰浚魚藻池

八月丁巳詔曰昆明池附近都城古之舊制蒲魚所產實利于人令京兆尹韓臯充使疏浚并修石炭賀蘭二堰冬十一月工成

十九年春二月丁亥修含元殿

憲宗元和二年夏六月丁巳朔始置百官待漏院於建福門外故事建福望仙等門昏而閉五更而啟與諸坊門同時至德中有吐蕃囚自金吾仗亡命因勅晚開門宰相待漏於太僕寺車坊至是始令有司據班品置院

丙子神策軍新築夾城別開門曰元化建樓曰晨輝

三年冬十月修南內殿及勤政樓明光樓

六年夏五月毀興安門南竹亭

八年秋七月癸酉修興唐觀北距禁城開複道以通行
幸

九年夏六月置禮賓院于長興里北

十二年夏四月築夾城自雲韶門芳林門西至修德里
以通于興福寺又置新市于芳林門南

五月己酉作蓬萊池周廊四百間

十三年春二月詔六軍使修麟德殿浚龍首池起承暉

殿

裴度傳
作凝暉

雕飾綺煥徙佛寺之花木以充焉

大明宮東
面有東內

苑苑中有龍首殿龍首池水自城南而
注入于此池宋白曰龍首殿在右軍

十四年春正月徙置仗內教坊于延政里

十五年秋七月作永安殿寶慶殿修日華門通乾門

穆宗長慶元年夏五月辛亥于禁中造百尺樓

文宗太和元年夏四月壬寅詔毀昇陽殿東放鴨亭戊

申毀望仙門側看樓十間並敬宗所造也

秋八月癸卯詔毀如京倉以其地歸門下省寶歷末好
廣苑園門下省馬廄因通入禁中至是還之

二年秋八月修安福橋及兩儀殿甘露殿

九年春正月辛卯發左右神策軍千五百人浚曲江及

昆明池

昆明池見上長安志曰今為民田夫既可以為民田則非有水之地矣然則漢何取于水也長

安志引水經曰交水西至石埭武帝穿昆明池所造有石閘堰在縣西南三十二里則昆明之周三百餘頃者用此堰之水也昆明基高故其下流尚可壅激以為都城之用于是並城䟽別三派城內外皆賴之此池仍在

括地志曰豐鎬二水皆過堰入昆明池無復流派括地志作于太宗之世則唐初仍自壅堰未廢至文宗而猶嘗加濬也然則圖經之作當在文宗復故壩而為田也

二月初詔曰都城勝賞之地惟有曲江承平以前亭館接連近年廢毀思俾修葺已令所司芟除栽植其諸如

有力及要創置亭館者給與閒地任其營造

雍錄唐曲江本秦階

州至漢為樂遊苑基地最高四望寬敞隋營京城宇文階以其地在京城東南隅地高不便故闢此地不為居人坊巷而鑿為池以厭勝之又會黃渠水自城外南來故隋世遂從城外包之入城為芙蓉池且為芙蓉園也漢武帝時池周回六里餘唐周七里占地三十頃又加展拓矣其地在城東南昇道坊龍華寺之南

秋七月毀銀臺門起修三門樓詔發左右軍二千人以
為踰場

庚戌建紫雲樓于曲江

九月帝幸右銀臺門觀發左右神策軍一千五百人浚
曲江及昆明池

十月乙亥內出曲江新造紫雲樓彩霞亭額左軍中尉
仇士良以鼓吹迎于銀臺門

鄭注傳曰注言秦中有災宜興工役以禳之文宗能

詩常吟杜甫江頭篇云江頭宮殿鎖千門細柳新蒲
為誰綠始知天寶以前曲江四岸有樓臺行宮廐署
心切慕之既得注言即命左右神策軍差人淘曲江
昆明二池仍許公卿士大夫之家于江頭立亭館以

時追賞

通鑑十一月甲申
勅罷修曲江亭館

武帝會昌元年春三月建靈符應聖院于龍首池

三年夏五月築望仙觀于禁中

五年春正月己酉朔勅造望仙臺于南郊壇

夏六月神策奏修望仙樓及廊舍五百三十九間功畢
宣宗大中元年春二月修百福殿院

秋八月神策軍奏修百福殿成名其殿曰雍和殿樓曰
親親樓凡廊舍屋宇七百間以會諸王子孫

二年春正月神策軍修左銀臺門樓屋宇及南面城牆
至睿武樓

五年修明儀樓

僖宗光啟三年六月丙辰太常禮院奏太廟十一室并

祧廟八室孝明太后等別廟三室自車駕再幸山南並
經焚毀神主失墜令大駕還京宜先葺宗廟神主然後
還宮遂詔修奉太廟使宰相鄭延昌修奉是時宮室未
完國力方困未暇舉行舊制延昌請權以少府監大廳
為太廟太廟凡十一室一十三間間十一架令監五間
請添造成十一間以備十一室之數勅曰謹依典禮

新唐書地理志曰上都初曰京師天寶元年曰西京

會要

開元元年十二月三日改為京兆府

至德三載曰中京

十二月十五日

上元二年

復曰西京

九月二日
十一日

肅宗元年曰上都

卯月
日

皇城長千九百一十五步廣千二百步宮城在北長千
四百四十步廣九百六十步周四千八百六十步其崇
三丈有半龍朔後皇帝嘗居大明宮乃謂之西內神龍
元年曰太極宮大明宮在禁苑東南西接宮城之東北
隅長千八百步曰東內本永安宮貞觀八年置九年曰
大明宮以備太上皇清暑百官獻貲以助役高宗以風
痺厭西內湫濕龍朔三年始大興葺曰蓬萊宮咸亨元

年曰含元宮長安元年復曰大明宮興慶宮在皇城東南距京城之東開元初置至十四年又增廣之謂之南內二十年築夾城入芙蓉園京城前直子午谷後枕龍首山左臨灞岸右抵澧水其長六千六百六十五步廣五千五百七十五步周二萬四千一百二十步其崇丈有八尺

京兆府 萬年縣有南望春宮臨澧水西岸有北望春宮宮東有廣運潭

舊唐書韋堅傳曰天寶元年擢陝郡太守水陸轉運使
自西漢及隋有運渠自關門西抵長安以通山東租賦
堅奏請于咸陽壅渭水作輿成堰截灞澮水傍渭東注
至關西永豐倉下與渭合于長安城東九里長樂坡下
澮水之上架苑牆東面有望春樓樓下穿潭以通舟楫
二年而成堅預于東京汴宋取小斛底船三二百隻置
于潭側其船皆署牌表之樓下連檣彌亘數里觀者山
積堅跪上諸郡輕貨又上百子盤食玄宗歡悅賜名廣

運潭

長安縣有大安宮本宏義後更名南五十里太和谷有
太和宮武德八年置貞觀十年廢二十一年復置曰
翠微宮籠山為苑元和中以爲翠微寺天寶二年尹
韓朝宗引渭水入金光門置潭于西市以貯材木大
歷元年尹黎幹自南山開漕渠抵景風延喜門入苑
以漕炭薪

咸陽縣有望賢宮

興平縣西十八里有隋仙林宮

渭南縣西十里有遊龍宮開元二十五年更置東十五里有隋崇業宮

昭應縣有宮在驪山下貞觀十八年置咸亨二年始名溫泉宮天寶六載更名華清宮治湯井為池環山列宮室又築羅城置百司及十宅

高陵縣西四十里有龍躍宮武德六年高祖以舊第置德宗以為修真觀

藍田縣永淳元年作萬金宮弘道元年廢

鄠縣東南三十里有隋太平宮西南二十二里有隋甘

泉宮

武功縣有慶善宮臨渭水武德元年高祖以舊宅置宮
後廢為慈德寺

華原縣有永安宮長安二年置有蒲萄園宮

華州

鄭縣東北三里有神臺宮本隋普德宮咸亨二年更名

華陰縣西十八里有瓊岳宮故隋華陰宮顯慶三年更名東十三里有隋金城宮武德三年廢顯慶三年復置

同州

馮翊縣南三十二里有興德宮在志武里高祖將趨長安所經

朝邑縣有長春宮

鳳翔府

麟遊縣西五里有九成宮本隋仁壽宮義寧元年廢貞觀五年復置更名永徽二年曰萬年宮乾封二年復曰九成宮周垣千八百步并置禁苑及府庫官寺等西三十里有永安宮貞觀八年置

藍屋縣有司竹園東南三十二里有隋宜壽宮有樓觀老子祠

坊州

宜君縣有仁智宮北四里鳳凰谷有玉華宮永徽二年

廢為玉華寺

唐六典曰京城左河華右隴坻前終南後九峻南面三門中曰明德左曰啟夏右曰安化東面三門中曰春明北曰通化南曰延興西面三門中曰金光北曰開遠南

曰延平

今京城隋文帝開皇二年六月詔左僕射高潁所置南直終南山子午谷北據渭水東臨澧川

西次澧水太子左庶子宇文愷創制規謀將作大匠劉龍工部尚書賀婁子幹太府少卿高龍文並充檢校至三年三月移入新都焉名曰大興城東西十八里一百一十五步南北十五里一百七十五步牆高一丈八尺皇城之南東西十坊南北九坊皇城之東西各一十二坊兩市居四方之地凡一百一十坊開元十四年又取

東西二坊皇城在京城之中

東西五里一百一十五步
南北三里一百四十步今

謂之

南面三門中曰朱雀左曰安上右曰含光

朱雀門
正南當

明德門正北當承天門外橫街

東面二門北曰延喜南

曰景風

延喜門則承天門外
橫街東直通化門

西面二門北曰安福南曰

順義

安福門西
直開遠門

其中左宗廟

在安上門
內之東

右社稷

在含光
門內之

西百僚解署列乎其間凡省六寺九臺一監四衛十有

八六省謂尚書中書門下秘書殿中內侍省九寺謂太
常宗正司農太府鴻臚衛尉光祿太僕大理寺一臺

謂御史臺四監謂少府將作國子都水監十八衛謂左
右衛左右金吾衛左右驍騎衛左右武衛左右威衛左

右領軍衛左右監門衛左右千牛衛左右羽林軍衛今按中書門下凡有三所並在宮城之內國子監在皇城之南左右金吾衛在皇城之東西左右羽林軍衛在元武門之北東宮官屬凡府一坊

三寺三率府十

一府謂詹事府三坊謂左右春坊內坊三寺謂家令率更僕寺十率府謂左右

衛率府左右清道率府左右司禦宮城在皇城之北南率府左右內率府左右監門率府

面三門中曰承天東曰長樂西曰永安

承天門隋開皇二年作初曰廣

陽門仁壽元年改曰昭陽門武德元年改曰順天門神龍元年改曰承天門舊唐書五行志曰隋文時自長

安故城東南移于唐興村置新都今西門承天門正當唐興村門有大槐樹柯枝森鬱即柳門樹也有司以行列不正將去之太宗曰高若元正冬至大陳設燕會赦帝嘗坐此樹下不可去也

過宥罪除舊布新受萬國之朝貢四夷之賓客則御承

天門以聽政

蓋古之外朝也

其北曰太極門其內曰太極殿朔

望則坐而視朝焉

蓋古之中朝也隋曰大興門大興殿煬帝改曰虔福門貞觀八年改曰太

極門武德元年改為太極殿有東上西次北曰朱明門上二閣門東西廊左延明右延明二門

左曰虔化門右曰肅章門肅章之西曰暉政門虔化之

東曰武德西門

其內有武德殿有延恩殿

又北曰兩儀門其內曰兩

儀殿常日聽政而視事焉

蓋古之內朝也隋曰中華殿貞觀五年改為兩儀殿承天

門之東曰長樂門北入恭禮門又北入虔化門則宮內也承天門之西曰廣運門永安門北入安仁門又北入

肅章門則
宮內也

兩儀殿之東曰萬春殿西曰千秋殿兩儀之

左曰獻春門右曰宜秋門宜秋之右曰百福門其內曰

百福殿百福之西曰承慶門內曰承慶殿獻春之左曰

立政門其內曰立政殿

又有興仁宣猷崇道惠訓昭德
安禮正禮宣光通福光昭嘉猷

華光暉儀壽安綏福等門薰風就日翔鳳咸
池臨昭望仙鶴羽乘龍等殿凌烟翔鳳等閣

大明宮在

禁苑之東南西接宮城之東北隅

龍翔二年高宗以大
內卑濕乃于此置宮

南面五門正南曰丹鳳門東曰望仙門次曰延政門西

曰建福門次曰興安門

南當皇城之啟夏門舊京城入
苑之北門開皇三年開餘四門

並與宮

丹鳳門內正殿曰含元殿

殿即龍首山之東趾也階上高于平地四

十餘尺南去丹鳳門四百餘步東西廣五百步今元冬至于此聽政

夾殿兩閣左曰翔鸞

閣右曰棲鳳閣

與殿飛廊相接夾殿有通乾門西有觀象門閣下即朝堂卽石登聞鼓如承天

制其北曰宣政門門外東廊曰齊德門西廊曰興禮門

內曰聽政殿殿前東廊曰日華門門東門下省省東南

北街南直含耀門出昭訓門宣政殿前西廊曰月華門

門西中書省省西南北街南直昭慶門出光範門宣政

之左曰東上閣又曰西上閣次西曰延英門其內之左

曰延英殿右曰含象殿宣政北曰紫宸門其內曰紫宸

殿

即內朝政殿也

殿之南面紫宸門左曰崇明門右曰光順門

殿之東曰左銀臺門西曰右銀臺門次北曰九仙門殿

之北面曰元武門左曰銀漢門右曰青霄門

其內又有麟德凝霜

承歡長安仙居拾翠碧羽金鸞蓬萊含涼珠境三清含冰水香紫蘭等殿元武明儀大角等觀鬱儀結鄰承雲

修文等閣也

興慶宮在皇城之東南東距郭城東垣

即今上龍潛舊

宅也開元初以為離宮至十四年又取永嘉勝業坊之半以置朝自大明宮東來羅城複道經通化門磴道潛

通宮之西曰興慶門其內曰興慶殿

即正衙殿有龍池殿

次南曰

金明門門內之北曰大同殿宮之南曰通陽門北入曰

明光門其內曰龍堂通陽之西曰花萼樓

樓西即寧王第故取詩人

棠棣之義以名樓焉

樓西曰明義門其內曰長慶殿宮之北曰躍

龍門其內左曰芳苑門右曰麗苑門南走龍池曰瀛洲

門內曰南薰殿瀛洲之左曰僊雲門北曰新射殿

又有同光

承雲初陽飛軒玉華等門飛僊交泰同光榮光等殿初上居此第其里名協聖諱所居池之東有舊井忽涌為小池周袤纔數尺常有雲氣或見黃龍出其中至景龍中潛復出水其治浸廣時即連合為一未半歲而里人悉移居遂鴻洞為龍池馬蓋符命之先也禁苑在大內宮城之北北臨渭水

東距滻川西盡故都城

其周一百二十里

禽獸蔬果莫不毓焉

若禴祠烝嘗四時之薦蠻夷戎狄九賓之享則蒐狩以
為儲供焉舊唐書地理志苑城東西二十七里南北三
十里東至灊水西連故長安城南連京城北枕渭水苑
內離宮亭觀二十四所漢長安故城東西十三里非隸
入苑中苑置四面監總監以掌種植

康駢劇談錄曰含元殿國初建造鑿龍首岡以為基趾
彤墀釳砌高五十餘尺左右立棲鳳翔鸞二闕龍尾道

出於闕前倚欄下矚前山如在諸掌殿去五門二里每
元朔朝會禁軍與御仗宿於殿庭金甲葆戈雜以綺繡
羅列文武纓佩序立蕃夷酋長仰觀玉座若在霄漢

又曰曲江池一秦世隄州開元中疏鑿遂為勝境其南
有紫雲樓芙蓉苑其南有杏園慈恩寺花卉繞周煙水
明媚都人遊玩盛于中和上巳之節綵幄翠幃匝于隄
岸鮮車健馬比肩擊轂上巳節賜宴羣僚京兆府大陳
筵席長安萬年兩縣以雄盛相較錦繡珍玩無所不施

百辟會于山亭恩賜太常及教坊聲樂池中備綵舟數隻惟丞相三使北省官與翰林學士登焉每年頻動皇州以為勝入夏則菰蒲葱翠柳陰四合碧波紅渠湛然可愛

宋史宋庠傳論唐入閣儀曰入閣乃唐隻日于紫宸殿受常朝之儀也唐有大內又有大明宮宮之正南門曰丹鳳門門內第一殿曰含元殿大朝會則御之第二殿曰宣政殿謂之正衙朔望大冊拜則御之第三殿紫宸

殿謂之上閣亦曰內衙隻日常朝則御之天子坐朝須正仗于正衙殿或乘輿止御紫宸即喚仗自宣政殿西門入是謂東西上閣門也

又按唐自中葉以還雙日及非時大臣奏事別開延英殿若今假日御崇政延和是也乃知唐制每遇坐朝日即為入閣其後正衙立仗因而遂廢甚非禮也

五代

冊府元龜曰後梁太祖開平元年夏四月戊辰廢西京

以京兆府為大安府置佑國軍

三年秋七月庚午改佑國軍為永平軍

後唐莊宗同光元年冬十一月辛酉復以永平軍大安府為西京京兆府

二年八月壬午西京奏重修華清宮溫湯屋宇

後晉高祖天福三年冬十月丙辰廢西京為晉昌軍

後漢高祖乾祐元年春三月改晉昌軍為永寧軍

歷代帝王宅京記卷七

欽定四庫全書

史部

歷代帝王宅京記卷八至

十

詳校官監察御史臣周元良

刑部郎中臣許兆椿覆勘

總校官編修臣倉聖脈

校對官中書臣王家賓

謄錄監生臣胡念祖

欽定四庫全書

歷代帝王宅京記卷八

崑山顧炎武撰

雒陽一

周

漢書地理曰周地柳七星張之分野也今之河南雒陽
穀城平陰偃師鞏緱氏是其分也昔周公營雒邑以為
在於土中諸侯蕃屏

師古曰言雒陽四面皆有諸侯為蕃屏

四方故立京

師至幽王淫褒姒以滅宗周初雒邑與宗周通封畿

韋昭曰通在二封之地共千里也師古曰宗周鎬京也方八百里八八六十四為方百里者六十四也雒邑成周也

方六百里六六三十六為方百里者三十六也二都得百里者百方千里也故詩云邦畿千里東西長

而南北短短長相覆為千里至襄王以河內賜晉文公

又為諸侯所侵故其分墜小

師古曰墜古地字

周人之失巧偽

趨利貴財賤義高富下貧憚為商賈不好仕宦自柳三度以至張十二度謂之鶉火之次周之分也

汲冢周書作雒解曰周公俘般獻民遷於九畢

肝民士大夫也

九畢成周之地近王化也

俾康叔宇于殷俾中旄父宇于東

康叔代霍叔中

旄代管叔

乃作大邑成周於土中

王成也于天下為中

城方千七百二

十丈鄆方七百里

疑當作七十

南繫於雒水地因於邾山以

為天下之大湊

湊會也

制郊甸方六百里國西土為方千

里

西土岐周通為折內

分以百縣縣有四郡郡有四鄙大縣立城

方王城三之一小縣立城方王城九之一乃設丘兆於

南郊祀上帝配以后稷日月星辰先王皆與食

先王后稷謂郊

時

建大社於國中其壇東青土南赤土西白土北驪土

中央疊以黃土將建諸侯鑿取其方一面之土苞以黃土苴以白茅以為土封故曰受茅土於周室乃位五宮

太廟宗宮考宮路寢明堂

五宮宮府寺太廟后稷二宮祖考廟也路寢王所居也

咸有以阿反坫重亢重郎常累復格藻梳設移旅楹燹

常畫

咸皆也廟四下曰阿反坫即尚室也重亢累棟也重郎累屋也常累系也復格累之櫺也藻梳畫梁

柱也承屋曰移旅別也燹謂藻井之飾也言皆畫列柱為之也

內階元階堤唐山廡

以黑

石為閭唐中庭道堤謂為高之也山廡謂畫山雲

應門庫臺元閭

門者皆有臺於庫門見之

後可知也又以黑石為門階也

後漢郡國志曰河南

帝王世紀曰城西有郟郟陌

周公時所城雒邑

也春秋時謂之王城

鄭元詩譜曰周公攝政五年成王宅雒邑使召公先相宅既成謂之

王城博物記曰王城地方一千七百二十丈郟方七十里南望雒水北至郟山地道記曰去雒城四十里左傳定

八年單子伐敕城杜預曰在縣西

東城門名鼎門

帝王世紀曰東南門九鼎所從入又曰武

王定鼎今雒陽西南雒水之北有鼎中觀是也

北城門名乾蔡

左傳昭二十四年士伯立於乾

蔡皇覽曰城西南柏亭西周山上周靈王家民祀之不絕

又有甘城

杜預曰縣西有甘泉宮

蒯鄉

左傳昭二十三年尹辛攻蒯晉地道記曰縣西南有蒯亭雒陽南今之雒陽魏

氏春秋曰有委粟山在陰鄉魏時營為園丘皇覽曰縣東北山萇宏冢縣北萇山道西呂不韋冢

周時

號成周

公羊傳曰成周者河東周也何休曰周道始成王之所都也帝王世紀曰城東西六里十一步

南北九里一百步晉元康地道記曰城內南北九里七十步東西六里十步為地三百頃一十二畝三十六步

城東北隅有**有狄泉**在城中

左傳僖二十九年盟於狄泉杜預曰城內太倉西南

城水或曰本在城外定元年城成周乃繞之案此水晉時在東宮西北帝王世紀曰狄泉本殷之墓地在成周

東北今城中有殷王家是也又太倉中大家即周時景王家也

有唐聚

左傳昭二十三年尹辛敗劉師

於**有上程聚**

古程國史記曰重黎之後伯休甫之國也關中更有程地帝王世紀曰文王居程徙

都豐故此加為上程

有士鄉聚

馮異斬武勃地

有褚氏聚

左傳昭二十六年王宿褚氏杜

預曰縣南有褚氏亭

有榮錡澗

左傳周景王崩於榮錡氏杜預曰鞏縣西

有泉亭

杜預曰縣

西南有泉亭
即泉戎也
有圍鄉
左傳昭二十二年單子伐東圍杜預曰縣東南有圍鄉又西南有戎

城即伊
有大解城
左傳昭二十三年晉師次於解杜預曰縣西南有大解小解

漢

漢書高帝本紀曰五年帝乃都雒陽夏五月置酒雒陽

南宮

括地志南宮在雒州雒陽縣東北二十六里雒陽故城中大事記注輿地志云秦時已有南北宮

更始自雒陽而西馬奔觸北宮鐵柱門光武辛南宮却非殿則自高帝迄於王莽雒陽南北宮武庫皆未嘗廢
蓋秦雖都關中猶倣周東都之制建宮闕於雒陽
千秋子為雒陽武庫令趙涉勸周亞夫抵雒陽直入武庫

六年冬十二月至雒陽居南宮

張良傳同

後漢

後漢書光武本紀曰建武元年冬十月癸丑車駕入雒

陽幸南宮却非殿遂定都焉

蔡質漢典職儀曰南宮至北宮中央作大屋複道三

道行天子從中道從官夾左右十步一衛兩宮相去七里又雒陽宮閣名有却非殿

二年春正月壬子起高廟建社稷於雒陽立郊兆於城

南續漢志曰立社稷於雒陽在宗廟之右皆方壇四面及中各依方色無屋有牆門而已續漢書曰制郊兆

於雒陽城南七里為壇八陛中又為重壇天地位皆在壇上其外壇上為五帝位青帝位在甲寅赤帝位在癸

已黃帝位在丁未白帝位在庚申黑帝位在壬亥其外
為壇重營皆紫以象紫宮營有通道以為門日月在營
內南道日在東月在西北斗在北道之西外營中營凡
千五百一十四神高皇帝配食馬北郊在雒陽城北四
里方壇四陞地祇位南面西上高皇后配西面皆在壇
上地理羣后從食皆在壇下中嶽在木四嶽各依其方
淮海俱在東河在西濟在北
江在南餘山川各如其方

十四年春正月起南宮前殿

中元元年初起明堂靈臺辟雍及北郊兆域

漢官儀曰明堂四面

起土作壑中無水明堂去平城門二四所天子出從平
城門先歷明堂乃至郊祀又曰辟雍去明堂三百步車
駕臨辟雍從北門入三月九月皆於中行鄉射禮辟雍
以水周其外以節觀者漢宮閣疏曰靈臺高三丈十二

門漢官儀北郊壇在城西北角去城一里所謂方壇四
陸但在壇祠舍而已具鼓吹樂及舞人御帳皆從南郊
具之

二年春正月辛未初立北郊祀后土

明帝本紀曰永平三年起北宮及諸官府

永平五年自長安迎取飛廉并銅馬置上西門外名平

樂館

晉書食貨志曰永平五年作常滿倉立粟市於城東粟

斛直錢二十

本紀又曰八年冬十月北宮成

和帝本紀曰永元五年春二月戊戌詔自京師離宮果

園上林廣成園

廣成苑在汝州西

悉以假貧民恣得採捕不收

其稅

順帝本紀曰陽嘉元年起西苑修飾宮殿

漢安元年秋七月始置承華廐

東觀記曰時以遠近獻馬衆多園廐充滿始置

承華廐

桓帝本紀曰延熹二年秋七月初造顯陽苑

蔡邕述行賦曰徐璜左官五侯擅貴於其所處又起顯明苑於城西

桓帝本紀論曰前史稱桓帝好音樂善琴笙飾芳林

而考濯龍之宮

薛綜注東京賦云濯龍殿名芳林謂兩旁樹木蘭也考成也既成而祭之

春秋考仲子之宮是也

設華蓋以祠浮圖老子

浮圖今佛也續漢志曰祀老子

於濯龍宮文廟為壇飾淳金銀器設華蓋之座用郊天之樂

靈帝本紀曰光和三年作單圭靈昆苑

單圭苑有二東單圭苑周一千

五百步中有魚梁臺西單圭苑周三千三百步並在雒陽宣平門外也

五年秋八月起四百尺觀於阿亭道

中平二年造黃金堂於西園

三年春復修玉堂殿鑄銅人四黃鐘一

其音中黃鐘也子為黃鐘

及

天祿蝦蟆

天祿獸名西京有天祿閣

宦者傳曰帝造黃金堂於西園

引司農金錢繒帛俱積其中

俱滿也

明年使鈞盾令宋典

繕修南宮玉堂又使掖庭令畢嵐鑄銅人四列於蒼龍

元武闕

蒼龍東闕元武北闕

又鑄四鐘皆受二千斛懸於玉堂及

雲臺殿前又鑄天祿蝦蟆吐水入平門外橋東轉水入

宮又作翻車渴烏

翻車設機車以引水渴烏為曲筒以氣引水上也

施於橋西

用灑南北郊路以省百姓灑道之費

獻帝本紀曰初平元年春二月丁亥遷都長安董卓驅徙京師百姓悉西入關自留屯畢圭苑三月己酉董卓焚雒陽宮廟及人家

董卓傳曰是時洛中貴戚室第相望金帛財產家家

盈積卓縱放兵士突其廬舍淫略婦女剽虜資物謂

之搜牢

言牢固者皆搜索取之也一曰牢澆也二字皆從去聲今俗亦有此言

及何后

葬開文陵雷帝陵卓悉取藏中珍物又壞五銖錢更鑄

小錢悉取雒陽及長安銅人鐘虞飛廉銅馬之屬以

充鑄馬

鐘虞以銅為之故賈生上書云懸石鑄鐘虞前書音義曰虞鹿頭龍身神獸也設文鐘鼓

之跗以猛獸為飾也明帝永平五年長安迎取飛廉及銅馬置上西門外名平樂館銅馬則東門京所作致於金馬門外者也張璠紀曰太史靈臺及永安侯銅蘭楯卓亦取之

百官志曰雒陽城十二門其正南一門曰平城門漢官

平城門為宮門不置候置屯司馬秩二千石李尤銘曰平城司午厥位處中古今注曰建武十四年九月開平

城門北宮門屬衛尉其餘上西門應劭漢官儀曰上西所

故丹錄之李尤銘曰雍門銘曰雍門處中位月在酉廣陽門銘曰廣陽門處孟

上西在季位月維戌在申津門銘曰津門自定位季月未小苑門開陽門應劭漢官儀曰開陽門始成未

有名宿昔有一柱來在樓上琅琊開陽縣上言縣南城門一柱飛去光武皇帝使來識視悵然逆坐縛之刻記

其年月因以名焉銘曰耗門銘曰耗門值季月位在辰中東門銘曰

處仲月在卯上東門銘曰上東少穀門銘曰穀門北夏門銘曰

夏門值孟凡十二門蔡質漢官儀曰雄陽二十四位月在亥街街一亭十二城門門一亭

又曰宮掖門每門司馬一人南宮南屯司馬主平城門

北宮門蒼龍司馬主東門案洛陽宮門名為蒼龍闕門元武司馬主

元武門北屯司馬主北宮朱雀司馬主南掖門

古今注曰永平

二年十一月初作北宮南朱雀司馬門

東明司馬主東門朔平司馬主北

門凡七門

潘岳懷舊賦云啟開陽而朝邁濟清洛以徑渡

魏

魏志文帝本紀曰黃初元年冬十二月初營洛陽宮

臣松

之案諸書記是時帝居北宮以建始殿朝羣臣門曰承明陳思王植詩曰謁帝承明廬是也至明帝時始於漢南宮崇德處起太極昭陽諸殿魏畧曰詔以漢火德也火忌水故洛去水而加佳魏於行次為土土水之壯

欽定四庫全書

魏

歷代帝王宅京記

九

也水得土而乃流土得水而
飛故除佳加水變雄而洛

二年築凌雲臺

世說曰凌雲臺樓觀精巧先稱平衆木輕重然後造
構乃無錙銖相負揭臺雖高峻嘗隨風搖動而終無
傾倒之理魏明帝登臺懼其勢危別以大材扶持之
樓即頽壞論者謂輕重力偏故也

洛陽宮殿簿曰凌雲臺上壁方十三丈高九尺

疑當樓作丈

方四丈高五丈棟去地十三丈五尺七寸五分也

三年穿靈芝池

五年穿天淵池

七年春三月築九華臺

明帝本紀曰太和元年夏四月甲申初營宗廟

三年冬十月改平望觀曰聽訟觀

初洛陽宗廟未成神主在鄴廟十一月廟成遣太常韓
暨持節迎高皇帝太皇帝武帝文帝神主於鄴十二月
己丑至奉安神主於廟

青龍三年是時大治洛陽宮起昭陽太極殿築總章觀
百姓失農時直臣楊阜高堂隆等各數切諫雖不能聽
常優容之

魏畧曰是年起太極諸殿築總章觀高十餘丈建翔
鳳於其上又於芳林園中起陂池楫棹越歌又於列
殿之北立八坊諸才人以次序處其中通引穀水過
九龍前為玉井綺欄蟾蜍含受神龍吐出使博士馬
均作司南車水轉百戲歲首建巨獸魚龍曼延弄馬

倒騎備如漢西京之制築閭闔諸門闕外果思

秋七月洛陽崇華殿災八月命有司復築崇華殿改名

九龍殿

時郡國有九龍見故以為名

高堂隆傳曰青龍中大治殿舍西取長安大鐘

帝愈增崇宮殿雕飾觀閣鑿太行之石英米穀城之文
石起景陽山於芳林之園建昭陽殿於太極之北鑄作
黃龍鳳凰奇偉之獸飾金墉凌雲臺凌霄闕百役繁興
作者萬數公卿以下至於學士莫不展力帝乃躬自掘

金史卷八十八
卷八
土以率之

魏畧曰景初元年徙長安諸鐘虞駱駝銅人承露盤
盤折銅人重不可致留於霸城大發銅鑄作銅人二
號曰翁仲列坐於司馬門外又鑄黃龍鳳凰各一龍
高四丈鳳高三丈餘置內殿前起土山於芳林園西
北陬使公卿羣僚皆負土成山樹松竹榑木善草於
其上捕山禽獸置其中

漢魏春秋曰帝徙盤盤折聲聞數十里金人或泣因

留於霸城

本紀曰景初元年冬一月乙卯營洛陽南委粟山為園
丘十二月壬子冬至始祀

魏書李業與傳梁散騎常侍朱異問業興曰魏洛中委
粟山是南郊耶業興曰委粟是園丘非南郊異曰比聞
郊丘異所是用鄭義我此中用王義業興曰然洛京郊
丘之處專用鄭解

高堂隆傳曰凌霄闕始構有鵲巢其上帝以問隆對曰

詩云維鷓有巢維鳩居之今興起宮室未成將有他姓
制御之不可不深慮於是帝改容動色

宋書禮志曰魏明帝天淵池南設流杯石溝燕羣臣

禮志曰太康六年蠶於西郊與籍田對其方也先蠶壇高
一丈方二丈爲四出陞陞廣五尺在皇后採桑壇東南
帷宮外門之外而東南去帷宮十丈在蠶室西南桑林
在其東

禮志曰漢儀季春上巳官及百姓皆禊於東流水上洗

濯祓除去宿垢而自魏以後恒用三日不以上巳也晉
中朝公卿以下至於庶人皆禊洛水之側趙王倫篡位
三日會天泉池誅張林懷帝亦會天泉池賦詩陸機云
天泉池南石溝引御溝水池西積石為禊堂本水流杯
飲酒亦不言曲水

南齊書禮志
本作天淵池

晉

晉書武帝本紀曰泰始二年秋七月辛巳營太廟致荆
山之木米華山之石鑄銅柱十二塗以黃金鏤以百物

綴以明珠

十年冬十一月立城東七里澗石橋

咸寧二年秋九月丁未起太倉於城東常平倉於東西市

太康十年冬十一月含章殿鞠室火

五行志曰太康五年五月宣帝廟地陷梁折八年正月太廟殿又陷改作廟築基及泉其年九月遂更營新廟遠致名材襍以銅柱陳勰為匠作者六萬人至十年四

月乃成十一月庚寅梁又折明年帝崩而王室遂亂

宋書禮志曰改築太廟於宣陽門內窮極壯麗

晉書惠帝本紀曰永興元年夏六月新作三城門

地理志曰河南郡漢置統縣十二戶一十一萬四千四百置尹

洛陽置尉五部三市東西七里南北九里東有建春東陽清明三門南有開陽平昌宣陽建陽四門西有廣陽西明閭闔三門北有大夏廣莫二門司隸校尉河南尹

金史卷八十八
卷八
及百官列城內也

宋書禮志曰咸寧二年起國子學太康五年修作明堂
辟雍靈臺

後魏

魏書高祖本紀曰太和十七年秋九月庚午幸洛陽周
巡故宮基址帝顧侍臣曰晉德不修早傾宗祀荒毀至
此用傷朕懷遂詠黍離之詩為之流涕

十九年秋八月金墉宮成冬十一月行幸委粟山議定

園丘甲申有事於園丘

二十年夏五月丙戌初營方澤於河陰丁亥有事於方

澤

秋九月丁亥將通洛水入穀帝親臨觀

任城王澄傳曰車駕還洛引見王公侍臣於清徽堂
高祖曰此堂成來未與王公行宴樂之禮後東閣廡
堂粗復始就故今與諸賢欲無高而不升無小而不
入因之流化渠高祖曰此曲水者必有其義取乾道

曲成萬物無滯次之洗煩池高祖曰此池中亦有嘉
魚澄曰此所謂魚在在藻有頌其首高祖曰且取王
在靈沼於物魚躍次之觀德殿高祖曰射以觀德故
遂命之次之凝閒堂高祖曰此取夫子閑居之義不
可縱奢以忘儉自安以忘危故此堂後作茅茨堂謂
李冲曰此東曰步元廡西曰遊凱廡此堂雖無唐堯
之君卿等當無愧於元凱冲對曰臣既遭唐堯之君
不敢辭元凱之譽

郭祚傳曰高祖幸華林園因觀故景陽山祚曰山以仁靜水以智流陛下修之高祖曰魏明以奢失於前朕何為襲之於後祚曰高山仰止高祖曰得非景行之謂

李冲傳曰冲機敏有巧思北京明堂園丘太廟及洛都初基安處郊兆新起宮寢皆資於冲

世宗本紀曰景明二年秋九月丁酉發畿內夫五萬五千人築京師三百二十三坊四旬而罷

廣陽王嘉傳曰嘉為司州牧表請於京四面築坊三百

二十各周一千二百步乞發三正復丁以充茲役

册府元龜

注三正謂京邑每坊置里正三人也雖有暫勞姦盜永止詔從之

本紀又曰冬十一月壬寅改築園丘於伊水之陽

三年冬十一月己卯詔曰京洛兵蕪歲踰十紀先皇定

鼎舊都維新魏歷翦掃榛荒剏茲雲構鴻功茂績規模

長遠今廟社乃建宮極斯崇便當以來月中旬蠲吉徒

御仰尋遺意感慶交衷既禮盛周宣斯下之制事高漢

祖壯麗之儀可依典故備茲考古以稱遐邇人臣之望
正始元年冬十一月戊午詔曰古之哲王創業垂統安
民立化莫不崇建膠序開訓國胄昭宣三禮崇明四術
使道暢羣邦風流萬宇自皇基徙構光宅中區軍國務
殷未遑經建靖言思之有慚古烈可勅有司依漢魏舊
章營繕國學

四年夏六月己丑朔詔曰高祖德格兩儀明並日月播
文教以懷遠人調禮學以旌雋造徙縣中區光宅天邑

總霜露之所均一姬卜於洛涘戎繕兼興未遑儒教朕
纂承鴻緒君臨寶歷思模聖規述遵先志今天平地寧
方隅無事可勅有司準訪前武置國子立太學樹小學
於四門

閏九月甲午禁大司馬門不得車馬出入

永平二年秋九月壬午詔定諸門闔名

四年夏五月己亥遷代京銅龍置天淵池

茹皓傳曰皓性微工巧多所興立為山於天淵池西

採掘北邙及南山佳石徙竹汝潁羅蒔其間經構樓
觀列於上下樹草栽木頗有野致世宗心悅以時臨

幸

延昌元年夏四月丁卯詔曰遷京嵩縣年將二紀虎闌
缺唱演之音四門絕講誦之業博士端然虛祿歲祀貴
游之胄歎同子衿靜言思之有兼愧慨可嚴勅有司國
子學孟冬使成太學四門明年暮春令就

三年冬十二月庚寅詔立明堂

禮志曰初世宗永平延昌中欲建明堂而議者或云
五室或云九室頻屬年饑遂寢熙平中復議之詔從
五室及元乂執政遂改營九室值世亂不成宗配之
禮迄無所設

任城王澄傳曰靈太后銳於繕興在京師則起永寧
太上公等佛寺外州各造五級浮圖

源子恭傳曰正光初為起部郎明堂辟雍並未建就
子恭上書曰臣聞辟臺望氣軌物之德既高方堂布

政範世之道斯遠是以書契之重理冠於造化推尊
之美事絕於生民至如郊天饗帝蓋以對越上靈宗
祀配天是用酬膺下土大孝莫之能加嚴父以茲為
大乃皇王之休業有國之盛典竊惟皇魏居震統極
總宙馭宇革制土中垂式無外自北徂南同卜維於
洛食定鼎遷民均氣候於寒暑高祖所以始基世宗
於是恢構案功成作樂治定制禮乃訪遺文修廢典
建明堂立學校興一代之茂矩標千載之英規永平

之中始創雉構基址草昧迄無成功故尚書令任城
王臣澄案故司空臣冲所圖明堂樣并連表詔答兩
京模式奏求營起緣期發旨即加葺繕侍中領軍臣
人物動作官宣贊授令自茲厥後方配兵人或給一
千或與數百進退節縮曾無定準欲望速了理在難
克若專役此功長得營造委成責辦容有就期但所
給之夫本自寡少諸處競借動即千計雖有繕作之
名終無就功之實真墮茫茫淹積年載結架崇構指

就無兆仍令肆胄之禮掩抑而不進養老之儀寂寥而不返構厦止於尺土為山頽於一簣良可惜與愚謂召民經始必有子來之歌興造勿亟將致不日之美況本兵不多兼之牽役廢此興彼循環無極便是輟創禮之重資不急之費廢經國之功供寺館之役求之遠圖不亦闕矣今諸寺大作稍以粗舉並可徹減專事經綜嚴勒工匠務令克成使祖宗有薦配之期蒼生睹禮樂之富書奏從之

劉芳傳曰芳表曰夫為國家者罔不崇儒尊道學教為先誠復政有質文茲範不易良由萬端資始衆務稟法故也唐虞已往典籍無據隆周以降任居虎門周禮大司樂云師氏掌以媿詔王居虎門之左司王朝掌國中之事以教國子弟蔡氏勸學篇云周之師氏居虎門左敷陳六藝以教國子今之祭酒即周師氏洛陽記國子學宮與天子宮對大學在開陽門外案學記云古之王者建國親民教學為先鄭氏注云

內則設師保以教使國子學焉外則有太學庠序之
官由斯而言國學在內太學在外明矣案如洛陽記
猶有仿像臣愚謂今旣徙縣嵩瀍皇居伊洛宮闕府
寺僉復故址至於國學豈可舛替校量舊事應在宮
門之左至如太學基所炳在仍舊營構又云太和二
十年發勅立四門博士於四門置學臣案自周以上
學惟以二或尚西或尚東或貴在國或貴在郊爰暨
周室學盖有六師氏居內太學在國四小在郊禮記

云周人養庶老於虞庠在國之西郊禮又云天子設四學當入學而太子齒注云四學周四郊之虞庠也案大戴保傅篇云帝入東學尚親而貴仁帝入南學尚齒而貴信帝入西學尚賢而貴德帝入北學尚貴而尊爵帝入太學承師而問道周之五學於此彌彰案鄭注學記周則六學所以然者注云內則設師保以教使國子學焉外則有太學庠序之官此其證也漢魏以降無復四郊謹尋先旨宜在四門案王肅注

云天子四郊有學去王都五十里考之鄭氏不云遠
近今太學故坊基址寬曠四郊別置相去遠濶檢督
難周計大學坊并作四門猶為太廣以臣愚量同處
無嫌且今時制置多循中代未審四學應從古不求
集名儒禮官議其定所從之

隋書經籍志曰遷洛以後置道場於南郊之旁方二
百步正月十月之十五日有道士歌人百六人拜而
祠焉

歷代帝王宅京記卷八

欽定四庫全書

歷代帝王宅京記卷九

崑山顧炎武撰

洛陽二

水經注曰洛陽周公所營洛邑也故洛誥曰我卜瀍水
東亦惟洛食其城方七百二十丈南繫於洛水北因於
邠山以為天下之湊方六百里因西為千里春秋昭公
二十三年晉合諸侯大夫戍成周之城故亦曰成周也

遷自序云太史公留滯周南執仲治曰古之周南今之洛陽漢高祖始欲都之感婁敬之言不日而駕行矣屬光武中興定居洛邑迨於魏晉咸兩宅焉故魏畧曰漢火行忌水故去其水而加佳魏為土德土水之牡也水得土而流土得水而柔故除佳加水

又曰伊水又東北至洛陽縣南逕園丘東大魏郊天之所準漢故事建之漢書郊祀志曰建武二年初置郊兆於洛陽城南七里為園壇八陛中又為重壇天地位其

上皆南向其外壇上為五帝位其外為壇重營皆紫以象紫宮

又曰穀水又逕河南王城北所謂成周矣公羊曰成周者何東周也何休曰名為成周者周道始成王所都也地理志曰河南河南縣故邾鄆地也京相璠曰邾山名鄆地邑也卜年定鼎為王之東都謂之新邑是為王城其城東南名曰鼎門蓋九鼎所從入也故謂是地為鼎中楚子伐陸渾之戎問鼎於此述征記曰穀洛二水本

於王城東北合流所謂穀洛關也今城之東南缺十步世又謂之穀洛關處俱為非也余案史傳周靈王之時穀洛二水關毀王宮王將塙之太子晉諫王不聽遺塙

三堤尚存

國語周靈王三十二年穀洛關將毀王宮王欲塙之太子晉諫曰不可王卒塙之

左

傳襄公二十五年齊人城邾穆叔如周賀韋昭曰洛水在王城南穀水在王城北東入於瀍至靈王時穀水盛出於王城西而南流合於洛兩水相格有似於關而毀王城西南也潁容著春秋條例

隋書經籍志漢公車微士潁容著春秋條例十卷

言西城梁門枯水處世謂之死穀是也始知緣生行中
造次入關經究故事與實違矣考王封周桓公於是為
西周及其孫惠公封少子於鞏為東周故有東西之名
矣秦滅周以為三川郡項羽封申陽為河南王漢以為
河南郡王莽又名之曰保忠信鄉光武都洛陽以為尹
尹正也所以董正京畿率先百郡左傳昭公二十四年
士伯立於乾祭而問於介衆乾祭王城北門穀水又東流逕乾
祭門北子朝之亂晉所開也東至千金場河南十二縣

金少曰凡...
卷九

境簿曰河南縣城東十五里有千金塢洛陽記曰千金
塢舊堰穀水魏時更修此堰謂之千金塢積石為塢而
開溝渠五所謂五龍渠渠上立塢塢之東首立一石人
石人腹上刻勒云太和五年八月庚戌造築此塢更開
溝渠此水衝渠止其水助其堅也塢是都水使者陳協
所造也語林曰陳協數進阮步兵酒後晉文王欲修九
龍堰阮舉協丈王用之掘地得古承水銅龍六枚堰遂
成水歷塢東注謂之千金塢逮於晉世大水暴注溝瀆

泄壞又廣功焉石人東脇下又云太始七年六月二十三日大水并瀑出常流上三丈蕩壞二塢五龍泄水南注瀉下加歲久漱齧每澇即壞歷載捐棄大功故為今塢更於西開池名曰代龍渠地形平正誠得瀉泄至理千金不與水勢激爭無緣當壞由其卑下水得踰上漱齧故也今增高千金於舊一丈四尺五龍自然必歷世無患若五龍歲久復壞可轉於西更築二塢二渠合用二十三萬五千六百九十八功以其年十月二十三日

起作功重人少到八年四月二十日畢代龍渠即九龍渠也後張方入洛破千金塢遺基見存朝廷太和中修復故塢北引渠東合舊瀆又東晉惠帝造石渠於水上案橋西門之南頰又稱晉元康二年十一月二十日改治石巷水門巷東西長七尺南北龍尾廣十二丈巷瀆口高三丈謂之鞏門橋又潘岳西征賦曰秣馬鞏門即此處也穀水又東又結石梁跨水制城西梁也穀水又東左會金谷水水出太白原東南流歷金谷謂之金水

東南流逕晉衛尉卿石崇之故居也石季倫金谷詩叙
曰余以元康七年從太僕出為征虜將軍有別廬在河
南界金谷澗中有清泉茂林衆果竹柏藥草蔽翳西北
角築之謂之金墉城魏文帝起層樓於東北隅晉宮閣
名曰金墉有崇天堂即此地上架木為榭皇居創徙宮
極未就止蹕於此構宵榭於故臺南曰乾光門夾建兩
觀觀下列朱桁於塹以為御路東曰含春門北有退門
城上西面列觀五十步一睥睨屋臺置一鐘以和漏鼓

函北連廡蔭墉北廣榭炎夏之日常以避暑為綠水池

一所穀水逕洛陽小城北因阿舊城憑結金墉故向地

也向地疑永嘉亂結以為壘號曰洛陽壘故洛陽記曰

凌雲臺西有金市金市北對洛陽壘者又東歷大夏門

下故夏門也陸機與弟書云門有三層高百尺魏明帝

造門內東側祭城有魏文帝所起景陽山遺基尚存孫

盛魏春秋曰黃初元年文帝愈崇宮殿雕飾觀閣取白

石英及紫石英及五色大石於太行穀城之山起景陽

山於芳林園樹松竹草木捕禽獸以充其中於是百役繁興帝躬自掘土率羣臣三公以下莫不展力山之東舊有九江陸機洛陽記曰九江直貫員水水中作員壇三破之夾水得自逕通賦曰濯龍芳林九谷八溪芙蓉覆水秋蘭被崖今也山則塊阜獨立江無復髣髴矣東京賦注引洛陽圖經云濯龍池名芳林苑名九谷八溪養魚池也渠水又東枝分南入華林園歷疏圃南圃中有古玉井井悉以珉玉為之以緇石為口工作精密猶不變古璨焉如新又瑤華宮南歷

景陽山北山在都亭堂上結芳湖湖中起御坐石也御
坐前建蓬萊山曲池接筵飛沼拂席南面射侯夾席武
峙背山堂上則石路崎嶇巖嶂峻嶮雲臺風觀纓帶
阜其中引水飛罽傾瀾瀑布或枉渚聲溜潺潺不斷竹
柏蔭於層石繡薄叢於泉側微飈暫拂則芳溢於六空
入為神居矣其水東注天淵池池中有魏文帝九龍殿
洛陽宮殿薄有明光殿式朝殿九華殿蔬圃殿而魏
志云青龍二年遷洛陽宮復崇華殿改名九龍殿殿
基悉是洛中故碑累之令造釣臺於其上池南置魏文

帝茅茨碑是黃初中所立也其水自天淵池東出華林園逕聽訟觀南故平望觀也魏明帝嘗言獄天下之命也每斷大獄恒幸觀聽之以太和三年更從今名池水又東流於洛陽縣之南狄泉郡故狄泉也南北百一十步東西七十步皇甫謐曰悼王葬景王於翟泉今洛陽太倉中大家是也春秋定公元年晉魏獻子合諸侯之大夫於翟泉始盟成周班固服虔皇甫謐咸言翟泉在洛陽東北周之墓地今案周威烈王葬洛陽城內東北

隅景王家在洛陽太倉中翟泉在兩冢之間側廣莫門道東建春門路北路即東宮街也於洛陽為東門北後封呂不韋為洛陽十五萬戶侯大其城并得景王家矣是其墓地也及晉永嘉元年洛陽東北步廣里地陷有二鵞出蒼色者飛翔冲天白色者止焉陳留孝廉董養曰步廣周之狄泉盟會之地今色蒼胡象矣其可盡言乎後五年劉曜王彌入洛帝居平陽陸機洛陽記步廣里在洛陽城內宮東是狄泉所在不得於太倉西南也京

相璠與裴司空彥季修修晉輿地圖作春秋地名亦言
今太倉西南地水名狄泉又曰舊說言狄泉本自在洛
陽北長宏城東周乃繞之杜預因其一證必是狄泉而
其實非也後遂為東宮池晉中州記曰惠帝為太子出
聞蝦蟇聲問人是官蝦蟇侍臣賈允對曰在官地為官
蝦蟇在私地為私蝦蟇令曰若官蝦蟇可給廩昔晉朝
收愍懷太子於後池即是池也其一水自大夏門東逕
宣武觀憑城結構不更層墉左右夾列步廊參差翼趾

南望天淵池北矚宣武場竹林七賢論曰王戎幼而清
秀魏明帝於宣武場上為欄苞虎阱使力士袒裼迭與
之搏縱百姓觀之戎年七歲亦往觀焉虎乘間薄欄吼
其聲震地觀者無不辟易顛仆戎亭然不動帝於門上
見之使問姓名而異之場西故賈充宅地穀水入東逕
廣莫門北漢之穀門也北對芒阜連巔修垣包摠衆山
始自洛口西踰平陰悉芒壠也魏志曰明帝欲平北芒
令登臺見孟津侍中辛毗諫曰若九河溢涌洪水為害

丘陵皆夷何以禦之帝乃止穀水又東屈而逕建春門
石橋下即上東門也阮嗣宗詠懷詩曰步出上東門者
也一曰上升門晉曰建陽門百官志曰洛陽十二門每
門候二人六百石東觀漢記曰鄧惲為上東門候光武
嘗出夜還詔開門欲入惲不內上令從門間識面惲曰
大明遼遠遂拒不開由是上益重之亦袁本初挂冠處
也橋首建兩石柱橋之右柱銘曰陽嘉四年乙卯壬申
詔書以城下漕渠東通河濟南列江淮方貢委輸

所由而至使中謁者魏郡清淵馬憲監作石橋梁柱敦
勅工匠盡要妙之巧攢立重石累高周距橋工路博流
通萬里三月起作八月畢成其水依柱文自樂里道屈
而東出陽渠昔陸機為成都王穎入洛敗此而返水南
即馬市也舊洛陽有三市斯其一也

陸機洛陽記曰洛陽舊有三市一曰

金市在宮西大城內二曰馬市在城東三曰羊市在城內嵇叔夜為司馬昭所害處也北則白社故里也昔孫子荆會董威輦於白社謂此矣又東逕馬市石橋橋南有二石柱並無文刻也漢司

空漁陽王梁之為河南也將引穀水以溉京都渠成而水不流故以坐免後張純堰洛而通漕洛中公私懷瞻是渠今引穀水是純之創也案陸機洛陽記劉澄之永初記言城之西南有陽渠周公制之也昔周遷殷民於洛邑城隍偏狹卑陋之所耳晉故城成周以居敬王秦又廣之以封不韋以是推之非專周公可知矣亦謂之九曲瀆故河南十二縣簿云九曲河在河南鞏縣西西至洛陽又案傅暢晉書云都水使者陳良鑿運渠從洛

口入江九曲至東陽門是以阮嗣宗咏懷詩所謂步出
上東門遙望首陽岑又言遙遙九曲間徘徊欲何之者
也陽渠水南暨閭闔門漢之上西門者也漢宮記云上
西門所以不純白者漢家厄於成故以丹雘之太和遷
都徙門南側其水北乘高渠枝分上下歷故石橋東入
城逕望先寺中有碑渠水又東歷故金市南直千秋門
右宮門也又枝流入石逗伏流注靈芝九龍池魏太和
中皇都遷洛陽經構宮極修理街渠發石視之嘗無毀

壞又石工細密非今之所擬遂因用之其一水自千秋
門南流逕神虎門下東對雲龍門二門衡楸之上皆刻
雲龍風虎之狀以火齊薄之及其晨光初起夕景斜輝
霜文翠照陸離眩目又南逕通門掖門西又南流東轉
逕閭闔門南案禮王有五門謂臯門庫門雉門應門路
門路門一曰畢門亦曰虎門也魏明帝上法太極於洛
陽南宮起太極殿於漢崇德殿之故處改雉門為閭闔
門昔在漢世洛陽宮殿門題多是大篆言是蔡邕諸子

自董卓焚宮殿魏太祖平荊州漢吏部尚書安定梁孟
皇善師宜官八分體以贖死太祖善其法常仰繫帳中
愛翫之以為勝宜官北宮榜題咸是鵠筆南宮既建明

帝令侍中京兆韋誕以古篆書之

書斷云師宜官南陽人帝徵天下工書於

鴻都門數百人八分稱宜官為最大則一字徑丈小則方寸十言梁鵠字孟皇安定烏氏人受書法於師宜官以善八分書知名韋誕字仲將京兆人諸書並善題署尤精 皇都遷洛始令中書舍

人沈令馨以隸書書之景明正始之年又敕符節令江
式以大篆易之今諸桁榜題皆是式書周官太宰以正

月懸治法於象魏廣雅曰闕謂之象魏風俗通曰魯昭公設兩觀於門是謂之闕從門厥聲爾雅曰觀謂之闕說文曰闕門觀也漢官典職曰偃師去洛四十五里望朱雀闕其上鬱然與天連是明峻極矣洛陽故宮名有朱雀闕白虎闕蒼龍闕北闕南宮闕也東觀漢記曰更始發洛陽李松奉引車馬奔觸北闕鐵柱門三馬皆死即斯闕也白虎通曰門必有闕者何也闕者所以飾門外尊卑也今閭闔門外夾建巨闕以應天宿雖不如禮

猶象魏之上而加復思以易觀矣廣雅曰復思謂之屏
釋名曰屏自障屏也學思在門外學復也臣將入言事
於此復重思之也穎容又曰闕者上有所闕下書之於
闕所以求論譽於人故謂之闕矣今闕前水南道右置
登聞鼓以納諫也昔黃帝立明堂之議堯有衢室之問
舜有告善之旌禹有立鼓之訊湯有總街之誅武王有
靈臺之復皆所以廣設過誤之備也渠水又枝分夾路
南逕出太尉司徒兩坊間謂之銅駝街舊魏明帝置銅

駝諸獸於閭闔南街陸機云駝高九尺即出太尉坊者也水西有永寧寺熙平中始創也作九層浮屠浮屠下基方一十四丈自金露拌下至地四十九丈取法代都七級而又高廣之雖二京之盛五都之富利剝靈圖未有若斯之構索釋法顯行傳西國有爵離浮圖其高與此相狀東都西域俱為莊妙矣其地是曹奐故宅經始之日於寺院西南隅得奐窟室下入地可丈許地壁悉累方石砌之石作細密都無所毀其石悉入法用渠左

是魏晉故廟地今悉民居無復遺墟也渠水又西歷廟社之間南江南渠廟社各以物色辨方周禮廟及路寢皆如明堂而有燕寢焉唯祧廟別無後代通為一廟列正室於下無復燕寢之制禮天子建國左廟右社以石為主祭則布冕今多王公攝事王者不親拜焉咸寧元年洛陽大風帝社樹折青氣屬天元王東渡晉社代昌矣

王隱晉書曰武帝咸寧元年八月大風折大社樹有青氣出焉占者曰東莞常有帝者明年元帝生此晉

室中興之表也渠水自銅駝街東逕司馬門南魏明帝始築闕

崩壓殺數百人遂不復築故無闕門南屏中舊有置銅
翁仲處金狄旣淪故處亦禿唯壞石存焉自此南直宣
陽門經緯通達皆列馳道往來之禁一同兩漢曹子建
嘗行御街犯門禁以此見薄渠水又東逕杜元凱所謂
狄泉北今無水坎方九丈六尺深二丈餘似是人功而
不類於泉陂是驗非之一證也又皇甫謐帝王世紀云
王室定遂徙居成都小不受王都故壞翟泉而廣之泉
源旣塞明無故處是驗非之二證也杜預言翟泉在太

倉西南於洛陽不得為東北是驗非之三證也稽之地
說事幾明矣不得為翟泉也渠水歷司空府前逕太倉
南東出陽門石橋下注陽渠穀水逕閭闔而南土山東
水西三里有坂坂上有土山漢大將軍梁冀所成築土
為山植木成苑張璠漢記曰山多峭坂以象二峭積金
玉採捕禽獸以充其中有人殺苑兔者迭相尋逐死者
十三人南出逕西陽門舊漢氏之西明門也亦曰雍門
矣舊門在南太和中以故門卯出故徒是門東對東陽

門穀水又東逕白馬寺東是漢明帝夢見大人色頂佩

白光以問白馬為寺名此榆欂

榆欂未詳考之秦宏漢紀及牟子俱不言其事

唯吳越春秋嘗有甘密九欂文筭七枚之文解者以為橫與兜通而齊民要術云榆十五年後中為車較及蒲菊沆知以榆木為沆遠致蒲菊也兜沆欂三字互通則榆橫乃以榆木為經也後移在城內

愍懷太子浮圖中近世復遷此寺穀水又南逕平樂觀

東李尤平樂觀賦曰乃設平樂之顯觀章秘偉之奇珍

華嶠漢書曰靈帝於平樂觀下起大壇上建十重五采

華蓋高十丈壇東北為小壇復建九重華蓋高九丈列

奇兵騎士數萬人天子位大蓋下禮畢天子躬擐甲稱
無上將軍行陣三匝而還設秘戲以示遠人故東京賦
曰其西則有平樂都場示遠之觀龍雀蟠蜿天馬半漢
應劭曰飛廉神禽能致風氣古人以良金鑄其形明帝
永平五年長安迎取飛廉并銅馬置上西門外平樂觀
今於上西門外無他基觀惟西明門外獨有此臺巍然
廣秀疑即平樂觀也又言皇女稚殤埋於臺側故復名
曰皇女臺晉灼曰飛廉鹿身頭如雀有角而蛇尾豹文

董卓銷為金用銅馬徙於建始殿東階下胡軍喪亂此
象遂淪穀水又南逕西明門故廣陽門也門左枝渠東
派入城逕太社前又東逕太廟南又東於青陽門右下
注陽渠穀水又南東屈逕津陽門南昔洛水泛洑漂害
者衆津陽城門校將築以遏水諫議大夫陳宜止之曰
王遵臣也水絕其足朝廷中興必不入矣水乃造門而
退穀水又東逕宣陽門南故苑門也皇都遷洛移置於
此對閭闔門直洛水浮桁故東京賦曰沂洛背河左伊

右灑者也門左即洛陽池處也池東舊平城門所在矣
今塞北對洛陽南宮故蔡邕曰平城門正陽之門與宮
連屬郊祀法駕所由從出謂之最尊者洛陽諸宮名曰
南宮有諺臺臨照臺東京賦曰其南則有諺門曲榭依
阻城湫注云諺門冰室門也阻依湫城下池也皆屈曲
邪行依城池為道故說文曰隍城池也有水曰池無水
曰隍矣諺門即宣陽門也門內有宣陽冰室周禮有冰
人日在北陸而藏之西陸朝覲而出之冰室舊在宣陽

門內故得是名門既擁塞冰室又罷穀水又逕靈臺北望雲物也漢光武所築高六丈方二十步世祖嘗晏於此臺得鼯鼠於臺上亦諫議大夫第五子陵之所居倫

少子也

三輔決錄云第五子陵

洛陽無主人鄉里無田宅寄止

靈臺或十日不炊穀水又東逕平昌門南故平門也又逕明堂北漢光武中元元年立尋其基構上圓下方九宮重隅十二堂蔡邕月令章句同之故引水於其下為壁雍也穀水又東逕開陽門南晉宮閣名曰故建陽門

也漢官儀曰開陽門始成未有名宿昔有一柱來在樓上琅玕開陽縣上言南城門一柱飛去光武皇帝使來識視良是遂堅縛之刻記年月日以名焉何湯仲弓嘗為門候上微行夜還湯閉門不內朝廷嘉之又東逕國子太學石經北周禮有國學教成均之法學記曰古者家有塾黨有庠遂有序國有學亦有虞氏上庠下庠夏后之東序西序殷人之左學右學周人之東膠虞庠王制云養國老於上庠養庶老於下庠故有太學小學教

國之子弟焉謂之國子漢魏以來置太學於國子堂東漢靈帝光和六年刻石鐫碑載五經立於太學講堂前悉在東側蔡邕以嘉平四年與五官中郎將堂谿典光祿大夫馬日磾議郎張訓漢書作馴韓說太史令單颺等奏求正定六經文字靈帝許之邕乃自書丹於碑使工鐫刻立於太學門外於是後儒晚學咸取正焉及碑始立其觀視及筆寫者車乘日千餘兩填塞街陌矣今碑上悉銘刻蔡邕等名魏正始中又立古篆隸三字石經魏

初傳古文出邯鄲淳石經古文轉失淳法樹之於堂西石長八尺廣四尺刻石於其下碑石四十八枚廣三丈魏文帝又刊論典六碑附於其次陸機言太學贊別一碑在講堂西下刻石龜碑載蔡邕韓說高堂谿等名太學弟子贊復一碑在外門中今二碑並無石經東有一碑是漢順帝陽嘉八年立碑文云建武二十七年造太學年積毀壞永建六年九月詔書修太學刻石記年用工作徒十一萬二千人陽嘉九年八月作畢碑南面

刻頌表裏鏤字猶存不破漢石經北有晉辟雍行禮碑
是太始二年立其碑中折但世代不同物不停故石經
淪缺存毀幾半駕言永久諒用憮焉考古有三雍之丈
今靈臺太學並無辟雍處晉永嘉中王彌劉曜入洛焚
毀二學尚髣髴前基矣穀水於城東南隅枝分北注逕
清陽門東故清明門也亦曰稅門也亦曰芒門又北逕
東陽門東故中東門也又北逕故太倉西洛陽地記曰
大城東有太倉倉下運船常有千計即是處也又北入

洛陽溝穀水又東左迤為池又東右出為方湖九西一百九十步南北七十步故水衡署之所在也穀水又東南傳屈而東注謂之阮曲云阮嗣宗之故居也穀水又東注鴻池陂百官志曰鴻池池名也在洛陽東二十里丞一人二百石池東西十步南北千一百步四周有塘池中又有東西橫塘水溜逕通故李尤鴻池陂銘曰鴻澤之陂聖王所規開水東注出自城池也其水又東左合七里澗晉後略曰成都王穎使吳人陸機為前鋒都

督伐京師輕進為治軍所處大敗於鹿苑人相登躡死於塹中及七里澗澗為之滿即是澗也澗有石梁即旅人橋也昔孫登不欲久居洛陽知楊氏榮不保終思欲遁跡林鄉隱淪安死楊駿埋之於此橋之東駿後尋亡矣凡是數橋皆累石為之亦高壯矣朱超石與兄書云橋去洛陽六七里悉用大石下員以通水可受大舫過也題其上云太康三年十一月初就功用七萬五千人至四月未止此橋經破落復更修補今無復文字

歷代帝王宅京記卷九